

Na osnovu člana 62. stav 1. Zakona o državnoj službi u institucijama Bosne i Hercegovine ("Službeni glasnik BiH", broj 12/02) i člana 14. Zakona o Vijeću ministara Bosne i Hercegovine i ministarstvima Bosne i Hercegovine ("Službeni glasnik BiH", broj 11/00), Vijeće ministara Bosne i Hercegovine, na 71. sjednici održanoj 20. juna 2002. godine, donijelo je

ODLUKU

O OSNIVANJU AGENCIJE ZA DRŽAVNU SLUŽBU

I

Osniva se Agencija za državnu službu (u daljem tekstu: Agencija).

II

Sjedište Agencije je u Sarajevu.

III

Agencija ima status pravnog lica.

IV

Agencijom rukovodi rukovodilac Agencije, kojeg imenuje Vijeće ministara Bosne i Hercegovine.

Rukovodilac Agencije nalazi se na mjestu sekretara sa posebnim zadatkom, a bira se i imenuje u skladu sa članom 34. zakona o državnoj službi u institucijama Bosne i Hercegovine ("Službeni glasnik BiH", broj 12/02).

V

Agencija veši slijedeće poslove:

- osigurava realizaciju procesa zapošljavanja državnih službenika na zahtjev institucija;
- pomaže institucijama u realizaciji njihove kadrovske politike, organizacionog razvoja kao i pri uspostavljanju centralnog registra osoblja;
- osigurava obuku i razvoj državne službe;
- podnosi godišnji izvještaj o radu i plan rada za narednu godinu Vijeću ministara na odobrenje;
- provodi ankete u okviru institucija na zahtjev Vijeća ministara;
- obavlja i druge poslove i zadatke utvrđene Zakonom o državnoj službi u institucijama Bosne i Hercegovine.

VI

Sekretar sa posebnim zadatkom donosi Pravilnik o unutrašnjoj organizaciji Agencije uz prethodnu saglasnost Vijeća ministara Bosne i Hercegovine.

VII

Ova odluka stupa na snagu danom donošenja.

VIII

Odluka će se objaviti u “Službenom glasniku BiH”, službenim glasilima entiteta I Brčko Distrikta Bosne i Hercegovine.

VN broj 93/02
20.juna 2002. godine
Sarajevo

Predsjedavajući
Vijeća ministara BiH
dr.Dragan Mikerević, s. r.